

卷之二十登

州蓬萊

文登

黃縣

牟平

萊

州掖縣

萊陽

即墨

膠水

卷二十一兗

州瑕邱

曲阜

鄒縣

萊蕪

萊蕪監

乾封

泗水

卷二十二海

州胸山

東海

懷仁

沐陽

卷二十三沂

州臨沂

沂水

費縣

承縣

新泰



太平寰宇記卷之二十

松坡圖書藏

河南道二十

登州

萊州

登州

登州

東牟郡今理蓬萊縣

禹貢青州之域古萊子之國春秋齊

侯滅萊至漢為東萊郡漢武帝封齊孝王子濞為

牟平侯此即濞之邑也按牟平在今蓬萊縣東南

九十里牟平故城是也後魏武定元年分東萊縣

于黃縣東一百步中郎故城置東牟郡高齊天保

七年廢東牟郡自今昌陽縣東五十三里長廣故



太平寰宇記 卷之二十一  
城移長廣郡理中郎城隋開皇三年改爲牟州大業三年爲郡廢州唐武德四年又置州後因文登縣人不從賊黨遂于縣理置登州貞觀元年牟州及牟平縣登州俱廢麟德二年析文登縣地于東牟故城置牟平縣如意元年又于牟平縣置登州領文登牟平黃三縣神龍三年自牟平徙登州于蓬萊鎮南一里析黃縣置蓬萊縣于州理卽今登州所理也天寶元年爲東牟郡乾元元年復爲登州

元領縣四

蓬萊 文登 黃縣 牟平

州境

東西四百九十五里 南北一百六十三里  
四至八到

西南至東京一千九百五十里

西南至西京二千三百七十里

西南至長安三千里

東至文登縣界大海四百九十里

南至萊州昌陽縣二百一十里

西至大海四里當中國往新羅渤海大路



北至大海三里

東南至海州四百六十里

西南至萊州四百里

正北微東至海北岸都里鎮五百三十里

戶

唐開元戶二萬二百九十八

皇朝戶主一萬五千四百五十六客一萬一千四

百五十八

風俗 同青州

人物

淳于髡

黃縣人

劉寵

東萊牟平人遷會稽太守有善政

太史慈

黃縣人北海相孔融敬之

土產

文蛤

牛黃

以上舊貢

水葱

音聰 席

今貢

紗布

蓬萊縣

依舊五鄉

本漢黃縣地屬東萊郡昔漢武帝于此

望海中蓬萊山因築城以為名在黃縣東北五十

里唐貞觀八年于此置蓬萊鎮神龍三年析黃縣

置蓬萊縣在鎮南一里即今登州所理是也 羽

山在縣南十五里尚書云殛鯀于羽山孔安國注

云其山在東齊海中即此也 九目山在縣東南



九平寰宇記 卷之二十一  
三  
七十里按晏謨齊記云山有竅因名九目沙門  
島在縣北海中五十里之梁水在縣南十五里  
源出羽山與石門水合流入海 鯨城在縣南六  
十里古老相傳云是魏將田豫領兵禦吳將周賀  
築之蓋近殛鯨之地因名 烏湖戍在縣北海中  
二百六十里置烏湖島上唐貞觀二十年爲伐東  
夷當要路遂置爲鎮至永徽元年廢 大謝戍在  
縣北海中三十里周迴百二十步亦唐太宗征高  
麗時與烏湖戍同時置 鹹泉池其泉鹹百姓取  
之爲鹽 牟平故城漢爲縣理于此在縣東南九

十里故城是也高齊天保七年移于今黃縣東七  
十三里馬嶺山南置隋廢唐武德三年又置貞觀  
元年又廢

文登縣

東南二百八十里  
舊十二鄉今五鄉

本漢牟平縣地按漢牟平

縣在今黃縣東一百三十里牟平故城是也本屬  
東萊郡自漢魏皆爲牟平縣地高齊後主天統四  
年分牟平置文登縣屬長廣郡取縣界文登山爲  
名隋開皇三年廢長廣郡文登屬萊州唐武德四  
年于此置登州領文登觀陽二縣六年以觀陽屬  
牟州又置清陽廓定二縣屬登州貞觀元年廢登



州又廢清陽廓定二縣入文登縣神龍三年徙登  
州於蓬萊鎮文登縣又隸焉 之朶山在縣西北  
百九十里史記始皇二十九年登之朶刊石紀功  
三十七年又自琅邪使徐福採藥福言嘗苦大魚  
爲患於是連舟下海登之朶山射巨魚還自平原  
郊祀志云齊有八祠之朶山爲陽主武帝太始三  
年幸琅邪禮日成山登之朶山稱萬歲子虛賦云  
射乎之朶是也其山在海中山東南海水中疊  
石俗傳云武帝造橋有兩石銘仍在山高九里周  
迴五十里 召石山在縣東八十五里三齊畧記

云始皇造石橋渡海觀日出處有神人召石下城  
陽一十三山石遣東下岌岌相隨如行狀石去不  
駛神人鞭之皆見血今驗召石山之色其下石色  
盡赤焉 鐵官山在縣西百四十里按此山去牟  
平縣百里錮鐵之處猶存漢置鐵官 石橋海神  
在縣南六十里縣北百里縣東百八十里三面俱  
至于海縣東北海中有秦始皇石橋伏琛齊記始  
皇造橋欲渡海觀日出處海神爲之驅石豎柱始  
皇感其惠通敬于神求與相見神曰我醜莫圖我  
形當與帝會始皇從石橋入海四十里與神相見



帝左右有巧者潛以足畫神形神怒曰帝負約可速去始皇轉馬馬之前腳猶立後腳隨崩僅得登岸今驗成山東入海道可廣二十步時有豎石往往相望似橋柱狀海中又有石橋柱二所乍出乍入俗云漢武帝所作也 東牟故城在縣西北十里漢東牟縣地屬東萊郡有鐵官鹽官高后六年封齊悼惠王子興居爲侯至宋省 通路西北自黃縣界更經烏趣石阜二山之閒又東經縣理東達于海海東諸國朝貢必由于此道 文登山在縣東二里古老相傳秦始皇東巡召集文人登此

山論功頌德因名

鵠鷓山在縣東南二十里此

山常有鵠鷓棲止

石門山在縣東南八十里山

有二石聳立高二丈東西相去一丈望之如門

五壘山在縣南五十里其山南北成行入海如壘

焉 白鹿山在縣北四十里唐神龍三年白鹿復

見刺史畢元愷入進 雞鳴島在縣東北一百三

十里晏謨齊記云不夜城北有雞鳴島 昌陽湯

在縣西南四十里周迴十二步南流入黑水此縣

都有溫湯七所 秦宮在縣東北百八十里古老

相傳云秦始皇所造東南兩面臨海南有七井水



望海臺在縣東北一百八十里古老相傳始皇  
在成山壘石造此望海伏琛齊記云始皇欲渡海  
立石標之爲記 成山史記始皇二十八年行郡  
縣上泰山乃並渤海以東過黃腫窮成山郊祀志  
齊有八祠成山爲日主 斥山爾雅東北之美者  
有斥山之文皮焉 昌山按宋永初山川記云昌  
陽縣有昌水郡國志云昌陽縣有巨神島有祠能  
興雲雨崔琰避黃巾賊于此山 不夜城卽春秋  
時萊子所置邑以日出于東故以不夜爲名漢縣  
屬東萊在今縣東北八十里有不夜故城有成山

祠莽曰夙夜後漢省併昌陽故城東北五十里有  
雞鳴島卽海也 育犁漢立縣後漢省併入牟平

蓋在今郡東南一百二十里濊港水側近以地良

沃故以育犁名邑

腫音

漢縣省併牟平按漢志

注云東萊腫縣有之朶山祠并丹水所出東北入

海是也蓋在今縣西七十里清陽水側近與海畔

之朶山相對 海牛島郡國志云不夜城北有海

牛島無角紫色足似龜長丈餘尾若鮎

鮎音

魚性捷

疾見人則飛赴水皮堪弓韃脂可燃燈 海驢島

島上多海驢常以八九月守此島上乳產皮毛可



長二分其皮水不能潤可以禦雨時有獲者可貴

黃縣西南五十三里舊十七鄉今三鄉古萊子國都于此漢縣屬東

萊郡葬曰意母故城在今縣東南二十五里故黃

城是也高齊天保七年移于今理唐武德四年屬

牟州神龍三年置登州黃縣割屬焉按漢書云秦

欲伐匈奴運糧使天下飛芻輓粟起于黃腫琅邪

負海之郡轉輸北河率三十鍾而致一石黃即今

黃縣腫即今文登縣漢並屬東萊郡北河朔方以

北六斛四斗曰鍾計道路所費凡用百九十二斛

乃致一石 故黃城在縣東南二十五里古萊子

之國春秋傳云齊侯滅萊杜注云今東萊黃縣是

也 大入故城在縣東北二十里司馬宣王伐遼

東造此城運糧船從此入今新羅百濟往還常由

于此 蓬萊鎮在縣東北五十里 海瀆祠在縣

北二十四里大入城上 萊山封禪書萊山在齊

八祠為月主一曰萊陰山多仙聖所居 九目山

連接縣界 蹲狗山在縣西南二十里山上有石

如蹲狗伏氏記云山極靈劉寵微時途由此石犬

吠之後為太尉 大海在縣北三里又縣西至海

四里當中國往新羅渤海大路由此 故徐鄉城



漢縣成帝封膠東共王子炅音桂爲侯後漢省其地  
卽今邑界也失其故城遺址愷音賢漢縣在今縣  
西南二十五里有愷故城存高齊天保七年省入  
黃中郎城郡國志云石勒遣中郎將石同築此  
城以防海故曰中郎城士鄉城後漢書云齊有  
士鄉越有君子里謂此

牟平縣

東二百里舊十鄉今三鄉

本漢縣也屬東萊郡有鐵官鹽

官王子侯表云齊孝王子濞爲牟平侯後漢屬郡  
不改晉屬東萊國在牟山之陽其地夷坦故曰牟  
平高齊天保七年自牟平故城移縣于今黃縣東

北七十三里改屬長廣郡隋開皇三年改長廣郡  
爲牟州牟平仍屬焉大業二年廢牟州屬萊州唐  
武德四年又于中郎城置牟州牟平屬焉貞觀元  
年州縣俱廢麟德二年析文登縣于此重置牟平  
縣屬登州 廬山在縣東十八里北與東牟縣峴  
山相連峴山上正北至海一百里有望海臺 峴  
山在縣東北二十里與廬山相連上有東牟侯祠  
按晏謨齊記云廬山東北有東牟大峴山 繫馬  
山在縣東四十里古老相傳始皇遊此山攬草繫  
馬至今山中草春生並皆垂屈若人繫結之狀俗



云繫馬础 大崑崙山在縣東南四十里按仙經云姑餘山因麻姑曾于此山修道上昇有餘址尙在因以爲名後代以姑餘崑崙聲相類而俗名又有小崑崙相連 兩欵山在縣西南六十里其山兩峯欵側相背爲名

### 萊州

萊州

東萊郡今理掖縣

禹貢青州之域禹貢曰嵎夷既畧萊

夷作牧注云嵎夷地名用功少曰畧萊夷可放牧也卽萊子之國左傳云齊人伐萊萊人使正輿子賂夙沙衛以索馬牛皆百匹齊師乃還後齊復入

萊共公浮柔奔棠晏弱圍棠滅之遷萊子于郕在國之東故曰東萊按古萊子國在今黃縣東南二十五里黃城是也周之九州又爲幽州之境職方氏幽州其澤藪曰獫狝按獫狝澤在今昌陽縣界史記周武王封太公于營邱萊侯聞之遂與太公爭營邱然則萊爲殷時諸侯也秦置三十六郡爲齊郡漢高四年韓信虜齊王廣分齊郡因置東萊郡領縣十七理掖縣屬青州後漢移理黃縣魏不改晉武太康四年徙遼東王蕤爲東萊王郡復理掖宋時郡改理曲城後魏初亦然及皇興四年分



青州置光州取界內光水爲名領東萊郡州與郡  
同理掖縣高齊及後周不改隋文帝罷郡仍改光  
州爲萊州煬帝二年罷州復爲東萊郡唐武德初  
改爲萊州天寶元年改爲東萊郡乾元元年復爲  
萊州

元領縣四

掖縣 萊陽 卽墨 膠水

州境

東西一百二十里 南北二百四十五里  
四至八到

西南至東京一千五百里

西南至西京一千九百里

西南至長安二千七百六十里

東至登州四百里

東北至登州同上

南至青州三百四十五里

正南微西至密州三百六十里

西至大海二十九里

北至海五十里

東南至海二百五十里



西南至青州界一百二十九里

西北至海二十一里

戶

唐開元戶二萬六千九百九十

皇朝戶主一萬五千五百二十三客一萬六千五

百八

風俗

土疏水闊山高海深人性剛強志氣緩慢語聲上形容大此水土之風也

人物

王吉字子陽卽墨人爲昌邑尉遷博士少與貢禹善世稱王陽在位貢禹彈冠李忠

字仲都東萊黃人光劉岱字公山弟繇字正禮武以爲右大將軍所謂騁騏驥于千里

土產

牡礪 決明 海藻 綿 絹 麻布 茯苓

牛黃 貢 文蛤 貢 石器 貢

掖縣舊十四鄉今五鄉本漢舊縣也屬東萊郡按掖水出縣

東南三十五里寒同山故縣取爲名後漢屬郡不

改晉屬東萊國宋屬東萊郡隋開皇三年罷郡屬

萊州 望海臺秦始皇所造 沙邱城紂所造始

皇崩處 膠東庸生宅在縣界 墜星石在縣東



北七十里 海水在縣北五十二里水經注云平  
度故縣有土山北眺巨海杳冥無際 輪井在縣  
東北十里石穴下洞于泉口如車輪無彫琢之迹  
自然而成故號天井能興雲雨人多祈祭 海神  
祠在縣西北十七里地理志云東萊郡有海神祠  
謂此也 掖水在縣東南二十五里源出崗掖山  
膠水在縣西南七十五里北流經土山西注于  
海 三山在縣北五十里海之南岸史記封禪書  
云八祠三山爲陰主其祠見在此山 萬里沙漠  
書郊祀志云武帝元封元年大旱禱萬里沙又封

禪書云天子旣出禱萬里沙還祀泰山按沙長三  
百里據史記注在縣東北三十里夾萬歲水兩岸  
是也 成山武帝太始三年幸東海作朱鴈之歌  
拜日于成山還而下恤鰥寡又齊記云成山有牛  
島常于五月有海狸上島產乳逢人則化魚入水  
當利故城漢志注云有鹽官在今萊州西南三  
十六里有當利故城高齊天保七年廢 曲成故  
城漢縣廢城在今縣東北六十里晉改爲曲城大  
業二年廢武德四年復六年又廢 轉鮒左思齊  
都賦云轉鮒朝舞奇觀可說又晏子春秋景公謂



曰吾欲遊轉鮒朝舞循海而南是也 燕臺在縣  
東北二里南燕慕容德以東萊掖城爲青州理所  
築 故臨朐城漢故城在郡北二十三里臨朐故  
城是也後漢省郡國縣道記云臨朐有海水祠今  
故城北去海二十里南去海神祠約五六里與漢  
志注同 陽樂漢縣後漢省併當利按十三州志  
云在當利縣東北二十里蓋在今萊州西南二十  
里內是其地 故陽石漢縣成帝封膠東其王子  
慶爲陵石侯後漢省併當利又十三州志云當利  
縣東有陵石城陵爲陽字之悞蓋在今縣南當利

故城東卽其地也 蓋石在縣北五十七里北臨

大海有一磐石方圓五步上有污罇狀若蓋石古

老相傳云秦始皇于此鑿蓋以盛酒醢祈祭百神

萊陽縣

西南百八十里舊十三鄉今五鄉

本漢昌陽縣屬東萊郡置

在昌水之陽故名昌陽有鹽官後漢屬郡不改晉  
無昌陽縣按此前昌陽縣理在文登縣西南三十  
里昌陽故城是也顧野王曰晉惠帝元康八年復  
立昌陽縣屬長廣郡今理是也宋及後魏同高齊  
文宣天保七年廢長廣郡復以昌陽縣屬東萊郡  
隋開皇三年罷郡昌陽屬萊州按今縣兼有漢長



廣掖縣觀陽鄒盧四縣之地後唐莊宗同光元年  
避國諱改爲萊陽縣 黃銀坑在縣東一百四十  
里隋開皇十六年牟州刺史辛公義于此坑冶鑄  
得黃銀獻之大業末絕貞觀初更沙汰得之 七  
子山在縣東南九十三里山有八峯大峯居中七  
山在側俗謂之七子山若大峯之子也 五龍山  
在縣南二十里有水五道于山下合流穿入南海  
俗以五龍爲名 韭山在縣南二十里周迴三里  
多萑菜爾雅云萑山韭也 高麗山在縣西南九  
十里司馬懿討遼東于此置戍以高麗爲名 火

山在縣北三十六里高一里山多赤石其色如火  
因以爲名 廢萊陽城在縣東南二十三里隋大  
業中築屬東萊郡唐永徽元年水淹破 挺城在  
縣南七里漢書地理志挺城屬膠東國後隸入東  
萊郡 奚養澤漢地理志長廣縣西有奚養澤周  
禮職方幽州之澤藪曰奚養 故長廣城亦漢縣  
屬琅邪郡後漢改屬東萊郡高齊天保七年因長  
廣郡自膠東城入中郎城復移長廣縣于膠東城  
此城遂廢故城在今縣東五十里有萊王山祠奚  
養澤在西也



即墨縣

東南二百三十里  
舊八鄉今二鄉

漢舊縣屬膠東國城臨墨

水故曰即墨在今膠水縣東六十里田單敗燕兵之處隋開皇十六年于古不其城東北二十七里置今縣所理城復古即墨為名隸萊州史記蘇秦云東有琅邪即墨之饒 天井山在縣東十三里周迴二里頂上有一井水味甘美因號天井 陰山在縣東南八十里上有石池深三寸旱不減雨不漲冬夏清徹曾無滓穢池東石上有馬蹄跡又有五石人廣數圍高一丈古老相傳云秦始皇幸琅邪因至牢盛山望蓬萊蓋立馬于此又遣石人

驅牢山不得遂立于此石人諸山往往有之 中祠山在縣東南五里漢書云不其山有太乙仙人祠九所此其一也 不其山在縣東南四十五里三齊記云鄭玄教授于不其山山下有草大如籬葉長一尺餘堅又異常土人名曰康成書帶 女姑山在縣西南三十八里其山北舊有墓古老傳云此為明堂漢地理志不其太乙仙人祠九所及明堂武帝所起不其城西南有七神號曰女姑即此是也 皋虞故城在縣東北五十里漢書云元封元年封膠東康王子建為皋虞侯子孫相承六



代莽篡改爲盈廬 田橫島在縣東北一百里橫  
眾五百餘人皆死于此島四面環海去岸二十五  
里可居千餘家 天室山漢書云卽墨縣有天室  
山祠 大勞山小勞山按郡國志吳王夫差登之  
得靈寶度人經齊記云泰山自言高不如東海勞  
昔鄭康成領徒于此神仙傳云樂子長好道遇仙  
人授以巨勝赤散方仙人云蛇服此藥化爲龍人  
服此藥老成童子長服之年百八十色如少女入  
海登勞山仙去山高十五里周八里在縣東南三  
十八里 海在縣東四十二里又在縣南百里

溫湯在縣東北三十里平地湧出有三穴焉風若  
西北來湯極熱不可入 壯武故城在縣西六十  
里古夷國漢壯武縣也晉封張華爲壯武侯至宋  
省 沾水左氏云聊攝以東姑尤以西其爲人也  
多矣姑尤卽齊界也 不其城漢縣屬琅邪在縣  
西南三十七里古城是也今約周十餘里後漢改  
屬東萊郡晉于此置長廣郡高齊天保七年省地  
理志有太乙仙人祠九所及明堂皆武帝所起亦  
因山爲名 古冢郡國志云卽墨城北有古冢或  
發之有黃牛從埏門出犯之卽吼不可動也 夏



侯皋墓郡國志云昔徐誕弟子夏侯皋死後有人  
遇皋以手巾寄信于誕誕視之乃棺中物也

膠水縣

東八十里舊八鄉今三鄉

本漢膠東國之地按漢膠東國

在今縣東南六十里卽墨故城是也後漢省膠東

國爲縣屬北海國後魏屬北海郡高齊及周不改

開皇三年罷郡屬萊州仁壽元年改爲膠水縣取

縣西膠水爲名 卽墨故城在今縣東南六十里

古東夷之地史記蘇秦曰齊有琅邪卽墨之饒卽

其處也齊威王召卽墨大夫語之曰自子之居卽

墨也毀言日至然吾使人視卽墨田野闢民人給

官無留事東方以寧是子不事吾左右以求譽也

湣王時燕將樂毅伐齊下七十餘城唯莒卽墨不

下田單東保卽墨六年設奇策破燕軍迎襄王于

莒盡復齊地封單爲安平君漢書漢高帝元年項

羽徙齊王田市于卽墨爲膠東王田榮怒殺田市

卽墨自立爲王遂併三齊之地漢膠東郡領八縣

理卽墨此其城也 故平度城漢縣在今縣西北

六十七里平度故城後漢省有膠水經故城又北

流入大海 盧鄉故城漢縣故城在今縣西北五

十里高齊天保七年省併入膠東 大豁山在縣



西北二十里按伏琛齊記云盧鄉城東南有豁口故曰大豁口卽此也又有小豁山相連 渣呀山在縣北三十里其山形勢渣呀因名 明堂山在縣東北四十八里齊記曰盧鄉城東三十里有明堂山與巨青山連出烏頭天雄 墨山在縣東北六十里石色如墨又有墨水出焉 金泉山在縣東南四十里其山出桔梗及防風 藥石水在縣西北五十里源出明堂山合石瀆河 膠水在縣西八十里源出密州諸城縣東崦山按山海經膠水縣東有故縣有膠水出焉西流經掖縣入海

定渚渠在縣南七十里西流入膠水漢書武帝征和四年正月行幸東萊臨大海三月上耕于鉅定卽此 樂毅城在卽墨城北史記樂毅攻田單築此城 甯戚冢在縣西六十里齊記云東亭西亭西北七十里甯戚冢因山爲墳俗呼鳴角阜 仙人臺在縣東北五十里青山下列仙傳膠東公沙宿飲白鶴泉得仙常遊石臺之上卽此也其臺四絕今不可登陟

校勘

萊州



掖縣

掖水

按縣總敘掖水所出及道里與掖水條下  
所載不同未詳其說

太平寰宇記卷之二十一終

太平寰宇記卷之二十一

河南道二十一

兗州

萊蕪監

兗州

兗州

魯郡今理瑕邱縣

禹貢兗州之域星分奎婁自奎五度

至胃六度于辰在戌歷奎婁胃為魯之分野春秋

時為魯國史記武王即位封周公子伯禽于曲阜

為魯公六國時屬楚秦滅楚屬秦秦以魯為薛郡

漢高祖更立魯國以封公主又立泰山山陽二郡

後漢改為任城國以泰山山陽郡地兼置兗州晉



改為魯郡宋武帝平河南兗州治滑臺文帝元嘉十三年治鄒山又寄治彭城二十年省兗州三十年立兗州于瑕邱後魏宣武正始中又置南兗州于譙城孝明孝昌二年又置西兗州于定陶城北齊為任城郡隋大業二年改為魯郡唐武德五年平徐圓朗置兗州領任城瑕邱平陸龔邱曲阜鄒泗水七縣貞觀元年省曲阜其年又省東泰州以博城縣來屬八年復置曲阜十四年置都督府管兗泰沂三州十七年以廢戴州之金鄉方輿來屬長安四年置萊蕪縣天寶元年改為魯郡乾元元年復為兗州自唐末至漢並為泰寧軍節度周廣順二年降為防禦州以慕容彥超叛命仍平故也今復為泰寧軍節度使

元領縣十

今七

瑕邱 曲阜 鄒縣 萊蕪 龔邱 乾封 泗水

三縣割出

任城

入濟州

金鄉

入濟州

魚臺

入單州

州境

東西一百七十里

南北三百一十九里



四至八到

西南至東京六百里

西南至西京一千里

西南至長安二千里

東至沂州三百八十五里

南至徐州三百九十六里

西至濟州一百五十里

北至齊州三百三十里

西南至單州三百二十里

東南至徐州三百四十里

東北至淄州三百七十里

西北至鄆州一百八十里

戶

唐開元戶六萬七千三百九十七

皇朝管戶主一萬二百一十一客八千四十八

風俗

漢書云周封周公子伯禽爲魯侯有聖人之教化故孔子曰齊一變至于魯魯一變至于道言近正也俗旣益薄孔子憫王道將廢乃修六經以述唐虞三代之道是以其人好學尙禮義重廉恥周公



遺化銷微孔氏庠序衰壞地狹人眾頗有桑麻之業無林澤之饒其俗儉嗇愛財趨商賈好訾毀多巧偽其喪葬之禮文備實寡然而好學猶愈于他俗貨殖傳云魯人俗儉嗇而丙氏尤甚富至鉅萬鄒魯以其故多去文學而趨利

姓氏

魯國郡七姓 夏 孔 唐 車 顏 粟 宰

山陽郡三姓 鞏 郟 蹇

口口郡五姓 胡 周 羊 曹 孫

平昌郡三姓 管 孟 牟

口口郡五姓 邵 隸 徐 史 錢

人物

臧僖伯 臧哀伯僖伯之子 臧文仲僖伯曾孫 展禽

梓慎 眾仲 至聖孔子 顏回 商瞿字子木

孟軻 公儀休相穆公 顏闔 秦巴西 孔光

邴吉 史丹封武陽侯 韋賢孟之後 朱家 朱雲

王龔 檀敷 魏應 羊續 范式字巨卿山陽平

子病謂妻曰吾聞山陽范巨卿烈士也可以託死 孔融 劉表山陽高平人魯

恭王之後 高堂隆 王粲 羊祜 唐彬 郝隆

羊欣 孔澹之 檀超 後魏羊敦已上並魯人 羊



侃 泰山梁父人挽弓 唐徐洪 字彥伯兗州瑕邱人 邳士  
美 高平金鄉人與顏真卿討論應對如流

土產

禹貢漆絲織文 汶陽之篠可以爲笙 金 貢

鏡花綾 絹 綿 防風 紫石英 茯苓

瑕邱縣 舊十四鄉今四鄉 春秋謂以邾子益來囚諸負瑕杜

注云魯邑也高平郡南平陽縣西北有瑕邱城漢

立縣屬山陽郡今隸兗州 洙水東北去縣二十

二里 泗水東自曲阜縣界流入合洙水 淮安

王神通營在瑕邱城中唐武德五年平賊徐圓朗

屯兵之處 堯祠在縣東南七里洙水之西 杏

壇鄉因夫子杏壇爲名 樊縣故城漢縣廢城在

今縣西南按郡國志云卿士樊仲皮國也

曲阜縣 東三十里舊八鄉今三鄉 春秋之魯國伯禽所都之地古

炎帝之墟按郡國志云神農氏自陳徙都于此昔

大庭坡故有大庭之庫存焉漢爲魯縣魏爲曲阜

委曲長七八里故曰曲阜 防山在縣東二十五

里高二里按防禮記孔子母合葬于防史記孔子

父叔梁紇死葬于防在魯城東 女陵山在縣北

二十六里相傳秦始皇東巡女死葬于此山因名



今山頂墓陵存其山多美石 九山在縣北三十里其山有九峯因以爲名 嶮水在縣北四十二里源出九山東南流入洙水其谿澗嶮隘左氏經云桓公十二年公會杞侯莒子盟于曲池注云魯國汶陽縣北有曲水亭今其水常流不絕地理志漢舊縣也王莽改曰汶亭 遶泉溝在縣東南十里源出縣東南平澤西南流合卜沙溝其流數里同入于沂左傳莊公三十二年僖叔飲酖歸及遶泉一名連泉 靈光殿高一丈在魯城內縣西南二里魯恭王餘所立 古魯城春秋之時魯國都

也其城凡有十二門東有二門其北名上東門今名明始門按左傳定公八年公歛處父帥成人自上東門入注云魯東城之北門也又國語臧文仲祭爰居于魯東門之外皆此門也 古魯城門魯城伯禽邑也西五門第一曰鹿門卽臧孫紇斬鹿門關以出第三曰稷門卽圉人犖能投蓋于稷門按魯國記云古城凡有七門東西有三門最北者名萊門左傳哀公六年公子陽生請與南郭且于乘出萊門而告之故注云魯郭門也次南第二門名曰石門按論語子路宿于石門注云魯城外門



呂氏春秋云宋有桐門右師魯有石門歸父卽此門也南面有一門未詳其名北面有三門最西者名子駒門按左傳文公十一年獲長狄僑如埋其首于子駒之門注云子駒魯郭門次東二門無名闕里在縣西南三里魯城東北去洙水百餘步洙泗二水在縣北五里泗水東自泗水縣流入在縣與洙水並流南爲泗水北爲洙水二水之間卽夫子所居也孔子家在故魯城中歸德門內闕里之中背洙面泗鬻相圃之東北也後漢明帝東巡狩幸焉古邾城無濠塹在縣東北四十里邾

魯之附庸國左傳哀公七年魯擊柝聞于邾注云言近也邾人于此築小城以備魯故名邾城古汶陽城在縣東北四十里左傳桓公十二年盟于曲池注云魯國汶陽縣北有曲水亭又輿地志漢舊縣王莽改曰汶亭雩門左傳謂公子偃曰宋師不整可敗也自雩門竊出蒙臯比而先犯之大敗宋師于乘邱卽此門也泮宮二池在縣南二里泮宮臺南按詩魯頌頌僖公云思樂泮水薄采其芹魯侯戾止在泮飲酒奄中續漢書郡國志云古奄國史記云從郭出魯奄中張茂先云卽魯



之奄里 窮桑郡國志云少皞自窮桑登帝位按窮桑在魯國之北後徙曲阜顓頊亦自窮桑徙帝邱又干寶云徵在生孔子于窮桑之地今名孔竇在魯南山之穴 伯禽墓高四丈四尺在縣南七里按左傳定公四年成王因商奄之民命以伯禽而封于少皞之墟注云少皞墟在魯城內書序云魯侯伯禽宅曲阜是也 魯文公冢高五丈五尺在縣南九里冢北有石人四獸二 魯共王墓高一丈在縣南九里漢書云共王餘景帝程姬之子封之于魯諡曰共王 孔子墓高一丈二尺在縣

西北三里史記云孔子葬魯城北泗上弟子三年心喪畢相訣而去惟子貢廬于冢上凡六年弟子及魯人從冢而家者百有餘室因命曰孔里皇覽冢墓記云孔子冢塋百畝本無祠堂塋中樹以百數皆異種魯人代代無能名其樹者民傳言孔子弟子異國人各持其方樹來種之塋中不生荆棘及刺人草今惟有柞樹成林更無異木論衡云孔子當泗水而葬之水爲之卻流 伯魚墓在孔子墓東一十步 子思墓顏回墓在縣東二十里防山下 孟軻墓在縣南四十里原屬鄒縣界唐貞



觀八年大使杜正倫置曲阜縣隸入曲阜 顏叔  
子墓在縣東南三十五里亦名清陵墳 三良冢  
郡國志卽二桃殺者梁父吟曰問是誰家冢田疆  
古冶子 陳博達墓在縣西北二十里前有石獸  
四石碑一云齊郡刺史武平五年立 宰我墓在  
縣西南二十里郡國志宰我魯人爲臨淄大夫與  
田常作亂夷其族孔子恥之 莊公臺在魯城內  
縣西北二里按左傳莊公三十一年築臺臨黨氏  
見孟任卽此臺也 昭公臺高二丈九尺在莊公  
臺西南五十步魏地形志魯有昭公臺是也 東

門襄仲臺周迴四十步高五丈在縣東三里魯城  
內建春門南故以姓氏爲臺之名 季武子臺高  
三丈五尺在縣東二百五十步按春秋左傳定公  
十二年公山不狃率費人襲魯公與三子入于季  
氏之宮登武子之臺是也 鬪雞臺二所高一丈  
五尺相去各四步在高門內縣南三里左傳昭公  
二十五年季郈之雞鬪季氏介其雞郈氏爲之金  
距注云二家相近也 孔子祠一名闕里漢高十  
二年過魯以太牢祠之在魯城內今縣西南二里  
卽鍾離意發懸瓮張伯藏壁皆此祠累代修之不



絕郡國志云闕里背洙面泗有夫子床前有石硯一枚石作甚樸云夫子生平所用物唐乾封中祀嶽東同駐輦親祀于廟開元中封王 兩觀臺各高一丈在縣東五十步左傳定公二年雉門及兩觀灾杜注云闕也孔子誅少正卯于兩觀之下壽邱高三丈在縣東北六里按皇甫謐帝王世紀云黃帝生于壽邱長于姬水居軒轅之邱山海經地在窮桑之際西射之南史記舜作什器于壽邱大庭氏庫高二丈在魯城內縣東一百五十步春秋昭公十八年梓慎登大庭之庫以望氣曰宋

衛陳鄭火注云大庭氏古國名也譙周云炎帝居大庭 矍相圃周迴二里高一丈在魯城內縣西南二里孔子廟西南孔子射所 陋巷在縣城西南二里孔子廟北二百步按論語云賢哉回也一簞食一瓢飲在陋巷人不堪其憂回也不改其樂 義婦宅昔齊欲伐魯齊師至郊見一婦人抱一兒攜一兒軍至棄小者抱大者而去軍乃問何棄小抱大婦人曰大者亡兄之子小者妾之所生寧棄所生亡父嗣不可絕也軍義之與食而去軍乃旋師曰魯有義婦者若此 五父衢在縣東南二



里左傳襄公十一年季武子將作三軍盟諸僖闕  
詛諸五父之衢杜注云五父衢道名在魯國東南  
季桓子井深八十八尺在縣中法集寺中按史  
記季桓子穿井得土缶卽此也 臧武仲井深六  
十尺在縣東南一百步按白哀魯記云鹿門有兩  
井稍小于季桓子井在鹿門西四里一爲季桓子  
所穿者 舞雩壇在沂水之南當縣南六里臨沂  
水論語云浴乎沂風乎舞雩詠而歸又樊遲從遊  
于舞雩之下有壇墠樹木于下可遊焉 南郊圓  
邱在縣南七里按孝經云昔者周公郊祀后稷以

配天禮記明堂位曰成王封周公于曲阜地方七  
百里革車千乘孟春之月祀帝于郊周公得郊天  
故有圓邱

鄒縣

東南六十里舊  
十四鄉今五鄉

漢爲騶縣屬魯國葬曰騶亭卽

邾嶧山之地曹姓二十九世爲楚所滅因魯繆公  
改邾作鄒縣復以山爲名按郡國志云騶縣本邾  
婁之國魯繆公改爲鄒卽邾人獲公冑懸于魚門  
是此邑 嶧山在縣南二十里亦名鄒山史記秦  
始皇東行郡縣上鄒嶧山立石與魯諸儒議刻石  
頌秦德魯繆公改邾作鄒山從邑故謂之鄒山嶧



陽猶多桐柏也李斯所刻石嶺名曰書門始皇乘羊車登之其路猶在黃河去鄒山三百餘里晴明日望之纔見又郡國志云鄒山古之嶧山也有穴遙與洞庭通其孔可以逃難晉太尉郗鑒避胡賊于此山下有大驛名郗公驛 鳧山在縣東南三十八里詩曰保有鳧繹遂荒徐宅 鄒城叔梁紇所治之邑漢爲縣又曰南平陽縣今廢城存 邾國黃帝後陸終之胤曹姓封于邾其後中絕武王復之故國城在今縣東南周迴四里上冠山峰下矚巖壑窮邾國之勝景一曰邾國有數處今黃州

亦是也

萊蕪縣

東北二百六十里舊八鄉今二鄉

本漢縣屬泰山郡後漢書

范史雲爲政之所按水經注云萊蕪昔齊靈公滅萊萊人播流此谷邑落蕪沒故曰萊蕪范史雲曾爲此縣長百姓歌其清儉至晉廢後魏移古嬴縣于此唐貞觀元年廢入博城縣至長安四年又于廢嬴縣置萊蕪縣取漢舊名屬兗州元和十四年六月兗海節度使曹華奏以縣在山路三百餘里人戶絕少官吏名數亦與大縣不殊虛置無所取請併入乾封縣詔從之後復置 韶山在縣西北



二十里其山產鐵漢置鐵官至今鼓鑄不絕 汶  
水出此邑卽閔子騫所謂則吾必在汶上矣是也  
西南流入沛 雙石郡國志云萊蕪縣南夾道有  
巨石長二丈雙立即漢昭帝時自立也

龔邱縣

北五十里舊  
八鄉今二鄉

漢寧陽縣屬泰山郡後漢改爲

東平國後魏移置平原縣于寧陽縣城北十七里  
今縣是也隋開皇十六年以此縣與德州平原縣  
名同遂改龔邱縣焉以東南二十里有古龔邱城  
焉 青石山在縣西三十里後魏有青石山祠卽  
此也其山都是一大石耳發地桀立高四十餘丈

周迴三里有石池二所東西行列有類人功冬夏  
澄清初無耗溢祈雨輒應故古今祠之 故汶陽  
縣在縣東北五十四里其城側土田沃壤故魯號  
汶陽之田成公二年齊人歸我汶陽之田是也  
故剛城漢爲剛縣廢城在今縣東北 甌山東魏  
張華原爲兗州刺史先是州境有猛獸爲暴華原  
爲令州北七十里甌山中忽有虎食猛獸都絕時  
人稱化感之至

乾封縣

東北一百六  
十里元二鄉

本齊之博邑春秋謂公會吳子

伐齊卽此也延陵季子往齊子死葬于贏博之間



至漢武帝封禪分嬴博二縣立奉高縣以奉泰山之祀後魏改博縣爲博平隋開皇十七年改博平爲博城唐乾封元年高宗封東嶽改爲乾封縣屬兗州 泰山一曰岱宗在縣西北三十里尸子曰泰山中有神房阿閣三十六天之一也 社首山在縣西北二十六里 蒿里山在縣西北二十五里 徂萊山亦曰尤萊山詩曰徂萊之松後漢赤眉渠帥樊崇保守此山自號尤萊三老 汶水源出縣東北原山西南流經縣理南去縣三里 五汶述征記曰泰山郡水皆名曰汶今縣凡有五汶

有北汶嬴汶牟汶柴汶浯汶皆源別而流同 東嶽廟在縣西北三十里泰山下郡國志云廟前有柏樹武帝所種赤眉賊斫一樹見血乃止有嶽令掌之唐開元十三年玄宗登封泰山登封之夕凝氛昏晦迅風激烈皇帝出齊宮露立以請及明清霽旂常不搖事畢至山下日光重戴明曜五色千官稱賀其日大赦以靈嶽昭感封泰山神爲天齊王 梁父古者封泰山禪梁父者七十二君玄宗開元十三年十二月東封泰嶽因禪梁父焉 大夫松始皇避雨處今猶在 謝過城有汶陽田齊



以此歸魯以謝過故有城存 廢梁父縣在縣東南五十九里隋開皇二年移梁父縣于此唐武德七年移入博城置今廢 廢岱山縣在縣東南四十里依徂萊山北齊于此置隋開皇三年廢爲奉高縣五年又改爲岱山縣大業二年廢入博城縣泗水縣東北一百一十里舊十二鄉今四鄉左傳成公十八年晉侯使士魴來乞師仲孫蔑會晉侯宋公同盟于虛朶音杜注虛朶地闕學者舊傳此地卽虛朶也漢爲卞縣之地隋分汶陽縣于此城置泗水縣屬兗州尼邱山在縣南五十里叔梁紇禱尼邱山生孔子

龜山在縣東北七十五里詩云奄有龜蒙春秋定公十年齊人來歸龜陰之田水經注昔夫子傷政道之陵遲故望山而懷操今琴曲有龜山操是也 泗水源出縣東陪尾山源有泉四四泉俱導因以爲名 盜泉源出縣東北高徑山之陰淮南子曰孔子不飲盜泉 漏澤在縣東七十里此澤漏穴有五皆方丈餘深二丈已上其澤每春夏積水秋冬漏盡將漏之時居人知之不過三日漏水都盡以竹木作薄籬圍之水族山積也 菟裘故城在縣北五十五里魯隱公曰使營菟裘吾將老



焉 泮水詩謂泮宮是也 汶陽故城漢爲縣今  
故城在縣西 梁父故城漢爲縣故城在今縣北

萊蕪監

萊蕪監在兗州萊蕪縣之界古冶鐵之務也管一十  
八冶縣監不相統

監境

東西一百一十五里 南北一百一十里

四至八到

圖經未有至東西二京里數  
西至乾封縣四十五里

南至泗水縣四十里

東至沂州新泰縣界七十里

北至齊州亭山縣界七十里

西南至乾封縣界五十七里

東南至沂州新泰縣界七十里

東北至淄州淄川縣界八十里

西北至齊州歷山縣界六十三里

戶

今管戶主五百六十二客一千八百八十九

風俗

同兗州



土產

貢防風 出鐵

管鐵坑三

礦坑阜在監北五里

石坑阜在監一十里

甘土坑在監東南一十五里

管一十八冶

魯北冶在監南一百步

銅務冶在監西一里餘

杏山冶在監東五里

嶧陽冶在監東六十里

萬家冶在監東五里

安僊冶在監東南七里

汶陽冶在監東一十五里

道士冶在監西南七里

何家冶在監西二十九里

汶北冶在監西二十四里

魯西冶在監西三十里

石門冶在監北三十五里

一作四十三里

新興冶在監西南五十二里



魯東冶在監西南五十三里一作四十三里

汶城冶在監西五十五里

太叔冶在監西北五十二里

宜山冶在監西北五十二里

汶南冶在監西南七里

校勘

兗州 總序

秦以魯為薛郡漢高祖更立魯國以封公主  
按西漢地理志高后元年以薛郡為魯國  
則以魯封公主恐出于高后凡前言魯元

年皆追書耳今云高祖立魯國未詳所本

又立泰山山陽二郡

按西漢地理志景帝分故梁國置山陽國  
後為郡泰山郡高帝置無分薛郡以立二  
郡之文若以古伯禽之國言之則泰山山  
陽二郡兼有宋齊鄭衛之境不專為舊魯  
國今記所書未詳所本

後漢改為任城國

按後漢郡國志任城國乃分東平國之三  
城為之與泰山山陽二郡不相涉今記所



書未知所本

以泰山山陽郡地兼置兗州

按泰山山陽二漢皆屬兗州無更改而魯國則前漢屬徐光武改屬豫州今記所云以泰山山陽郡地兼置兗州蓋衍文也後魏宣武正始中又置南兗州于譙城

按後魏地形志南兗州正光中置治譙城正光乃孝明帝今云宣武正始中未詳所據

又置西兗州于定陶城北齊爲任城郡

按隋書地理志曲阜縣注今記當云北齊改魯郡爲任城郡文義方暢自漢以來皆以州統郡隋初始廢郡爲州今記自漢而下歷記兗州廢置然置州之所與今魯郡多不相涉似是圖經槩序兗州之詳今記因之故州與郡頗雜揉耳

太平寰宇記卷之二十一終



太平寰宇記卷之二十二

太平寰宇記卷之二十二

河南道二十二

海州

海州東海郡今理朐山縣禹貢徐州之域書曰海岱及淮惟徐

州東至海北至岱南及淮虞舜亦為徐州之境周

無徐州併為青兗州則為青州之域周官職方氏

青州浸曰沂沭按沭在今沭陽縣界春秋魯國之

東界詩魯頌泰山巖巖魯邦所瞻遂荒大東至于

海邦淮夷來同海邦即今海州之地七國時屬楚

秦兼六國以為薛郡後分為郟郡漢為東海郡後

太平寰宇記卷之二十二



漢至晉改爲東海國後魏改東海爲郟郡高齊郡  
縣俱廢宋明帝失淮北地于鬱洲更置冀州梁改  
東海郡爲北海郡武帝末年大江以北並附于魏  
武定七年改青冀二州爲海州移理于舊州南龍  
沮故城隋開皇三年自琅邪城移州于今理大業  
三年罷州爲郡唐武德四年臧君相以郡歸順復  
爲海州置總管府領海漣環東楚四州海州領胸  
山龍沮新樂曲陽沭陽厚邱懷仁利城東海九縣  
六年改新樂爲祝其七年以東楚州屬揚州又以  
沂州來屬八年廢環州及龍沮祝其曲陽厚邱利

城五縣仍以廢環州之東海來屬九年廢漣州貞  
觀元年罷都督府天寶元年改爲東海郡乾元元  
年復爲海州

元領縣四

胸山 東海 懷仁 沭陽

州境

東西一百九十八里 南北二百九十里

四至八到

西北至東京一千四百六十里

西北至西京一千八百八十五里



西北至長安二千七百四十五里

東至東海縣水道九十里

南至泗州五百四十里至揚州七百里

西至下邳縣五百五里至徐州五百六十里

北至密州三百八十四里

西南取沭陽宿遷徑至泗州五百里

東南至漣水軍取官河水路三百四十里陸路二

百五十里

東南至楚州四百一十里

西北至沂州二百七十里

東北至東海縣界八十里

戶

唐開元戶二萬三千七百二十八

皇朝戶主六千八百八十八客七千二百四十六

風俗 同沂州

姓氏

東莞郡四姓 臧 關 一作關 何 公孫

人物

蕭望之 東海蘭陵人

王肅 東海郟人

繆斐 東海胸人也其

先楚元王大夫 繆生 避難居此

繆襲

鮑照 東海人詩

何無



**忌** 東海鄉人桓玄曰何無 **何承天** 東海鄉人 **何遜**

承天曾孫 **孟卿** 東海人以禮 **蕭惠開** 東海蘭陵人明

識過人能詩 **孟卿** 東海人以禮 **蕭惠開** 東海蘭陵人明

一閱其名退無所失 **徐勉** 東海鄉人六歲能

**徐摛** 梁朝為 **鮑泉** 東海人撰新 **徐弘敏** 字

功東海人則天時官至司刑卿凡活者五百家盧

黃門曰當雷霆之振能全仁恕千載未見其儔嘗

據法廷諍張文成贊曰躡虎尾而莫驚觸龍鱗而

不懼鳳峙鳴臬之內直以全身豹變豺狼之間忠

能遠 **吳通玄** 海州人與弟通微德

害 **土產**

**綾** **絹** **海味** **鹽** **楚布** 以其地當楚分 **紫**

**菜** 產在郡東北五十里

海畔石上舊貢也

**胸山縣** 舊二鄉今四鄉 **本漢胸縣也屬東海郡秦始皇立石**

**海上以為秦東門闕有鐵官後漢屬東海國晉不**

**改宋志無胸縣按此前胸縣今縣西九十里故胸**

**城是也梁于今縣北二里琅邪故城置招遠縣屬**

**琅邪郡後屬魏改為胸縣高齊不改周武帝建德**

**六年改琅邪為胸山郡改胸縣為胸山縣取界內**

**胸山為名也隋開皇三年廢郡縣屬海州大業三**

**年以海州為東海郡縣仍屬焉** **碩濩湖在縣南**

**一百四十二里神異傳曰秦始皇時童謠云城門**

**有血城將陷沒有一老母聞之憂懼每旦往窺城**

**太平寰宇記** **卷之二十二**



門門傳兵縛之母言其故門傳兵乃殺犬以血塗  
門上母往見血便走須臾大水至郡縣皆陷老母  
牽狗北走六十里至伊萊山得免西南隅今仍有  
石屋名爲神母廟廟前石上狗跡猶存高齊天統  
中此湖遂竭西南隅有小城餘址猶存繞城古井  
有數十處又有銅鐵瓦器如塵肆之所乃知縣沒  
非虛 龍沮故城在縣南六十里 鍾離昧故城  
在縣南百里項羽將鍾離昧所築昧卽此縣人也  
植石廟在縣北四里史記曰始皇三十五年立  
石東海上胸界中以爲秦東門今石門猶存傾倒

爲數段在廟北百許步今尙可識其文曰漢桓帝  
永壽元年東海相任恭修理此廟 盧石山在縣  
東南六十里按漢書云韓信爲楚王都下邳又曰  
韓信鎮于三盧石伊句等三山石色黑因以爲名  
伊盧山一名大伊萊山在縣南七十五里按史  
記云項王亡將鍾離昧家在伊盧徐廣曰東海胸  
縣又按續郡國志東海胸縣有伊盧鄉又云中盧  
盧石在東句盧在西故云中盧又名伊萊者盧萊  
二字相近流俗音訛爾實伊盧也 句盧山一名  
馬鞍山山在縣西南一百二里縣在山東史記所



傳縣有三盧之山形勾曲狀似馬鞍 孔望山在縣西南一百六十里春秋□□□□云此山與郟城相近當是孔子之郟問禮之時因登此山遂以名之其山上有嵌石其下方平可坐十餘人山前石上有二盆故老相傳云秦始皇洗頭盆盆邊髮隱隱并山上馬跡猶存 螭山在縣東南二百里其山在海中四面平坦潮上半沒潮落方見故其上多螭卽螺蚌之類也 胸山在縣南二里按舊經云秦始皇東巡至胸山界此時已有胸山之名南墜星山在縣南六十里古老相傳云商時星

墜于此又有北墜星山在縣東五十里並高一里羽山在縣西北九十里漢志東海郡祝其縣羽山在縣南鯨所殛處也 羽潭在縣西九十里去羽山一百步一名羽池左傳云鯨化爲黃熊入于羽淵淵東有羽山池上多生緇柳野獸不敢踐又郡國志云鍾離昧城南有羽泉亦殛鯨之處其水恆清牛羊不飲 流水在縣西一百四十里按水經注云流水出琅邪東莞縣西北大弁山流經沂州沂水縣西南入泗州下邳縣 永安堤在縣東二十里唐開元十四年七月三日海潮暴漲百姓



漂溺刺史杜令昭課築此堤北接山南環郭連綿  
六七里 韓信堰在縣西十里相傳云韓信爲楚  
王時以地洿下遂立此堰今爲大路 廢沂州城  
在縣西北百四十步按輿地志云宋泰始三年失  
舊沂州至五年于朐山東北僑置沂州至泰豫元  
年移朐縣就沂州後周建德六年改沂州爲朐州  
隋開皇四年省今城基存 曲陽故城漢縣故城  
在今郡西南一百一十里後漢省唐武德四年復  
置八年又省 平曲故城漢縣莽曰端平卽漢書  
以此封公孫渾邪之所又宣帝封廣陵厲王子曾

爲侯後漢省在今縣界 故朐城漢爲縣今廢城  
在縣西南 古盧王城在縣西九里按輿地志云  
漢舊朐縣今海州是也宋泰豫元年移朐山縣于  
廢沂州又梁典云天監十年三月盜殺朐山戍主  
劉晰引虜徐州刺史盧昶遣振遠將軍馬仙琕討  
之盧昶自徐州以兵來援朐山屯兵據此城權假  
王號自稱盧王因名盧王城 古摩坡城在縣南  
按梁典云天監十年遣振遠將軍馬仙琕來討朐  
山至十二月克之盧昶挺身走仙琕遣張惠紹追  
之斬首十萬造此城 牛欄村郡國志云糜竺放



牧之所今民祭猶呼糜堆 東安故城在郡西八  
十三里漢縣後漢省 糜竺冢郡國志云刻石爲  
人馬禽獸之狀名之爲鬼市

東海縣

東水路九十里依舊二鄉

本秦末田橫所保鬱洲亦曰郁

州亦謂之田橫島爲贛榆縣地宋泰始三年失淮  
北于鬱洲上僑立青州卽此地仍于州北一里置  
東海郡并縣焉卽今縣又改爲北海後入于魏魏  
改青州爲海州仍移理龍沮城復于此置臨海鎮  
尋移東海入鎮城仍領廣饒一縣後周建德四年  
又增置東海縣隋開皇三年廢東海郡及東海縣

因移廣饒縣于廢郡界仁壽元年改廣饒爲東海  
縣唐武德四年于此置環州以水環繞爲郡名領  
東海青山石城贛榆四縣八年州廢仍廢青山石  
城贛榆三縣入東海縣移縣于廢州城卽今理也  
謝祿山在縣城西一里按漢書云王莽時東海  
徐宣謝祿等擊王莽將田況大破之曾屯兵于山  
因名 蒼梧山在縣東北二里古老相傳此山在  
海中後飛至此 栖雲山在縣東北四十一里卽  
巨平山之東嶺按州舊記梁國子祭酒明山賓父  
僧紹當齊武帝時以國子博士徵不就遁迹于此



此山高眇故號栖雲山 朱紫山在縣北五十二里山有紅壁丹崖自相輝映遠而望之若朱紫因名 嚶游山在縣東北一百三里海中去崖二十里高二里其山周迴浮海中羣鳥翔集嚶嚶然自相喧聒 西捍海堰在縣北三里南接謝祿山北至石城山南北長六十三里高五尺隋開皇九年縣令張孝徵造 東捍海堰在縣東北三里西南接蒼梧山東北至巨平山長三十九里隋開皇十五年縣令元暉造外足以捍海潮內足以貯山水大獲澆漑 廢艾不城在縣北二十四里今古相

傳田橫避難漢使艾不追橫而築後晉移贛榆縣于此北齊天保元年省 贛榆故城在縣東北五十里青山之陰故城猶存郡國縣道記云贛榆城在懷仁縣東北三十一里一名鹽倉城後漢改屬東海國曹魏時省晉太康中復立尋又省隋大業末臧君相竊據海州以先有贛榆縣遂築此城因取舊名更置贛榆縣唐武德八年省 呂母固在縣北三十七里巨平山南嶺上高二里按漢書云琅邪海曲有呂母者子爲縣吏犯小罪宰論殺之母密聚客得數十百人入海中招納亡命眾至數



千執縣宰斬之復還海中保此爲固遂號呂母固  
田橫固在縣東北六十一里小鬲山孤峯特秀  
三面壁立俯臨深溪惟有東隅纔近人行累石爲  
城漢書云齊王田廣旣死田橫代爲王與灌嬰戰  
于贏下橫敗及漢定天下橫懼誅與其徒屬五百  
餘人入海居島中此固卽田橫所營處也 謝祿  
廟在縣西一里謝祿山南嶺上本名海祠後人改  
之因名謝祿廟 堯廟在縣西北三里謝祿山上  
州舊記宋泰始七年刺史劉崇智稱劉氏本承堯  
後遂造此廟以時饗祠 由吾大夫廟在縣北四

十里巨平山南按州舊記有道士由吾道營本流  
陽人精心好道學窮秘錄天意人事無不通隋文  
帝時特徵之至都拜諫議大夫卒因塋焉 孝婦  
廟在縣北三十三里巨平村北按前漢書孝婦少  
寡無子養姑甚謹其後姑自經死姑女誣告吏婦  
殺我母吏捕孝婦孝婦辭不殺姑吏驗治孝婦自  
誣服具獄上府于公以爲此婦養姑十餘年以孝  
聞必不殺姑太守不聽竟論殺孝婦郡中枯旱三  
年後太守至于公曰孝婦不當死前太守強斷之  
咎當在是乎于是太守殺牛自祭孝婦冢天立大



雨歲熟因立祠焉 大海在縣東二十八里南接  
胸山縣界北接懷仁縣界西趣州往來所渡廣二  
十餘里今按由此渡者每年七月內不得渡犯者  
多逢風沈溺惟溺所犯之人餘人皆得免必公事  
迫急先祭請者亦不爲災莊子曰夫海千里之遠  
不足以舉其大千仞之高不足以極其深禹之時  
十年九潦而水弗加益湯之時八年七旱而崖不  
加損玄中記天下之至强者東海之沃焦焉沃焦  
山名也在海東面方三萬里海水灌之而卽消故  
水東南流而不盈也 縣理城在鬱洲上山海經

云郁州在海中郁卽鬱水經注云胸縣東北海中  
有大洲謂之郁州昔有道者學徒十人遊于蒼梧  
郁洲之上數百年皆得至道其山自蒼梧徙至東  
海之上今猶有南方草木生焉故崔珍述初賦云  
郁洲者故蒼梧山也古老傳言此島上人皆先是  
糜家之棣今有牛欄一村舊有糜家庄牧猶枯祭  
之呼曰糜郎臨祭之日著犁鞞執耕鞭又言初取  
婦者必先見糜郎否則爲祟宋泰始三年于島南  
陲築城置青州卽今縣理城是也 二疏墓疏廣  
疏受東海蘭陵人也 于定國墓定國東海郟人



也

懷仁縣

西北九十里  
依舊二鄉

本漢贛榆縣地按漢贛榆縣東

北三十里贛榆縣舊城是也無定屬梁于此置黃  
郭戍後魏改置義塘郡理黃郭城領義塘歸義懷  
仁等三縣並理今密州莒縣界隋開皇三年廢郡  
移懷仁縣理于此改屬海州 懷仁山在縣北四  
十里其山無草木生 夾山在縣西三十八里左  
傳謂公會齊侯于夾谷注云齊地名 劍水在縣  
西南八十五里源從沂州臨沂縣界三哇山號弱  
馬溝東流入縣界 堯水在縣西南七十里源從

沂州臨沂縣東經縣八十里入海 故祝其城在

縣南四十二里平地太康志云在郟東九十里春  
秋定公十年公會齊侯于祝其實夾谷地漢以為

祝其縣宋省 懷仁故城在縣西二十三里按後

魏地形志云武定七年置屬義塘郡郡縣俱移就

高密郡莒縣界內置在古辟陽城後廢為義塘鎮

歸義城在縣北二十五里按後魏武定七年置

縣屬義塘郡隋廢 武陵郡城在縣南五十九里

按後魏志云武定七年置為武陵郡隋初廢 紀

鄆城在縣東北七十五里平地近海周一里餘按



春秋昭公十九年齊師伐莒傳曰莒子奔紀鄆卽此地也 故利城漢縣故城在今縣西六十里後漢獻帝曾于此立郡宋省 海曲按郡國縣道記云漢縣後割屬琅邪郡十三州志云海曲在開陽東一百三十里蓋在縣西界與臨沂接境漢故利城側近是也

沭陽縣

西南一百六十里仍三鄉

本漢厚邱縣地今縣北四十五

里厚邱故城是也宋省文帝元嘉四年于此立僮縣屬南彭城郡梁武帝天監五年復置僮陽郡領僮縣至太清三年地入魏孝靜帝改僮陽郡爲沭

陽以在沭水之陽爲名仍于郡東置懷文縣周武帝建德七年改懷文爲沭陽縣隋開皇三年廢郡移沭陽縣入廢郡城中屬海州卽今理大業十三年土人臧君相反于沭陽縣置沭州唐武德四年復爲沭陽縣屬海州總章元年隸泗州按縣地雖近海州塗出陝澤水陸艱嶮春冬則水路乾涸秋夏則霖潦陸路瀰漫百姓怨之咸亨五年又屬海州 韓山在縣東北五十里按州舊記韓信爲楚王講武之所也 建陵山在縣西北一百五里按漢書地理志東海有建陵景帝封衛綰爲侯王莽



改曰付亭其縣緣此名按山南北狹長有陵阜緣  
此名建陵 句廬山在縣東六十八里 碩濩湖  
在縣東八十里與胸山漣水三縣分湖爲界 沆  
水在城東南七十里引東流七十里入車路湖水  
經注云沆水又南經東海厚邱縣梁天監二年三  
月土人張高等五百餘人相率開鑿此谿引水溉  
田二百餘頃俗名爲紅花水東流入泗州漣水縣  
界 厚邱城在縣北六十里按地理志厚邱漢舊  
縣在郟城東一百里宋省併入襄賁縣 陰平城  
在縣西北六十里按漢書地理志稱陰平縣屬東  
猶存

校勘

海州 總序

於鬱洲更置冀州

按宋書州郡志序篇云索虜南侵青冀徐  
兗並皆不守青冀二州治贛榆之縣詳此  
蓋二州同治也鬱洲卽今東海縣古贛榆



地今記既云于鬱洲更置冀州又曰武定  
七年罷青冀二州爲海州則上文當脫青  
字東海縣序云宋于鬱洲僑立青州魏改  
青州爲海州言青而不及冀蓋互舉或脫  
文耳洲舊作州

胸山縣

盧石山伊盧山

按史記漢書伊盧中盧皆書作盧而後漢  
郡國志作盧後魏地形志琅邪郡海安縣  
有蘆石山又作蘆傳寫皆不一今記所引

三山石色黑因以爲名則義當爲盧未詳  
其說又中盧在襄陽非東海之伊盧顏師  
古已言之今記所云盧石在東句盧在西  
故言中盧豈遂合襄陽之中盧于此言之  
或今胸山縣之伊盧自有此名也當考

廢沂州城

按宋明帝時淮北沒寇僑立徐州治鍾離  
秦豫元年移治東海胸縣又後魏莊帝永  
安二年以東泰山琅邪二郡置北徐州後  
周改爲沂州並見宋魏隋史志詳前後史



志自宋以前無沂州今記云宋泰始三年  
失舊沂州五年于朐山東北僑置沂州沂  
字疑作徐今記又云秦豫元年移朐縣就  
沂州按宋志則秦豫元年移僑立徐州治  
朐縣非移朐山縣就沂州今記又云後周  
建德六年改沂州爲朐州隋開皇四年省  
按隋志琅邪郡舊置北徐州後周改曰沂  
州又東海郡朐山縣舊曰朐置琅邪郡後  
周改縣曰朐山郡曰朐山詳此則後周改  
北徐州爲沂州改琅邪郡爲朐山郡非改  
沂州爲朐州也隋志亦無省朐州之文按  
前後文意皆是誤以徐爲沂轉更訛失今  
記所引輿地志未見此書恐亦舛誤



太平寰宇記卷之二十三

河南道二十三

沂州

沂州

琅邪郡今理臨沂縣

禹貢徐州之域星分奎宿六度春秋

時為齊地秦兼天下以其地置琅邪郡因山為名

也漢因之地理志云琅邪郡秦置高帝以屬齊高

后七年立營陵侯劉澤為琅邪王文帝元年徙澤

為燕王以琅邪歸齊更為郡領縣凡五十一後漢

以為琅邪國以皇子京為琅邪王前琅邪郡理在

今密州諸城縣是也後漢領縣十三京徙都開陽



今臨沂縣界開陽故城是也後益爲十七縣六縣在峴山北十一縣在峴山南也晉武帝咸寧三年改封東莞王伋爲琅邪王薨子恭王覲嗣薨子睿嗣建武元年睿爲晉王卽位于江東是爲東晉元帝于郡城東北隅置發干戍以南軍鎮之自永嘉之後琅邪陷于胡寇元帝于丹陽江乘縣界別立南琅邪郡至宋武得河南地尋又沒于後魏莊帝永安二年置北徐州琅邪郡屬焉周武帝宣政元年改北徐州置沂州以州城東臨沂水因以名之大業三年改爲琅邪郡十三年亂離郡爲徐圓朗所破唐武德四年征徐圓朗置沂州領臨沂費顓臾三縣又置蘭山臨沭昌樂三縣六年省蘭山臨沭昌樂三縣入臨沂貞觀元年省顓臾入費縣其年省鄆州以承縣來屬八年又省莒州以新泰沂水二縣來屬天寶元年改爲琅邪郡乾元元年復爲沂州

元領縣五

臨沂 沂水 費縣 承縣 新泰

州境

東西三百里 南北三百七十五里



四至八到

西至東京一千里

西至西京一千四百一十五里

西至長安二千二百七十五里

東南至海州二百三十里

西至兗州三百八十里

東南至泗州下邳縣二百七十七里

北至青州四百五十里

西至徐州三百五十里

東北至密州三百七十里

西北至淄州五百三十里

戶

唐開元戶三萬七千四百

皇朝管戶主一萬五千九百二一客一萬六百九十

七

風俗

同密州

姓氏

琅邪郡六姓 王 顏 諸葛 惠 暢 符

人物

樂毅

匡衡

東海人

疏廣

字仲翁東海蘭陵人與兄子受俱為太子師傅



九平... 卷之二十三

乞骸骨歸羣公 祖送東都門 琅邪 丞相諸葛亮 王祥 管仲

孝天下幸學推祥 王衍 王導 王覽 字元通 母

弟母置酒鳩祥覽必先嘗 王導 字茂弘 覽孫器

去後賜祥饌覽必先嘗 王導 字茂弘 覽孫器

相 王彬 字世儒 王彪之 字叔武 導從子 諱江

謂王氏 王羲之 字逸少 王胡之 字修齡 顏

青箱學 王惠 字令明 沂州人 官太宰兄鑒好營田產

含 王惠 字令明 沂州人 官太宰兄鑒好營田產

用食為 王儉 字仲實 臨沂人 六世名德為 王僧達

顏延之 字延年 含曾孫嗜酒不檢細行 王僧達

臨沂 王素 往東陽隱山中聞虻蟲 王融 字元

孫達 王彥 沂州 王簡栖 撰頭陀 王邱 琅邪人

侍郎 顏之推 顏師古 功進子爵 顏真卿 字清

古五世孫封魯 顏杲卿 守安祿山反城陷大罵

郡公罵賊而死 顏杲卿 守安祿山反城陷大罵

賊而 顏杲卿 守安祿山反城陷大罵

死 顏杲卿 守安祿山反城陷大罵

紫石英 貢黃銀 綿 絹

臨沂縣 依舊 本漢舊縣也屬東海郡東臨沂水因以

為名後漢改屬琅邪國晉屬琅邪郡後魏改屬郟 郡高齊省隋開皇十六年于今縣理東二十六里 故郟城復置臨沂縣屬沂州大業三年改為琅邪



郡縣仍屬焉唐武德四年改郡爲州縣仍舊隸  
羽山在縣東南一百一十里尙書丞蘇于羽山注  
云羽山東裔也左傳云鄭子產聘于晉平公有疾  
韓宣子逆客私焉曰寡君寢疾于今三月矣並走  
羣望有加而無瘳今夢黃熊入于寢門其何厲鬼  
也對曰以君之明子爲大政其何厲之有昔堯殛  
鯀于羽山其神化爲黃熊以入于羽淵實爲夏郊  
三代祀之晉爲盟主其或者未之祀也韓子祀夏  
郊平公乃問地理志曰羽山在東海祝其縣南今  
按山高四里周迴八里山之東南與海州朐山縣

分界 沂水東北自沂水縣界流入經縣東去縣  
一里又西南流入下邳縣界 温湯水源出縣東  
北湯阜下三泉並導各爲一池其沸如湯 州理  
城後魏北徐州城也莊帝永安二年築北徐州理  
之周武帝改爲沂州至今不改 郟城在縣東三  
十六里左傳定公十年叔孫州仇帥師圍郟郟叔  
孫氏邑也隋開皇十六年于此置臨沂縣大業二  
年移臨沂縣于州理此城遂廢 襄賁城漢襄賁  
縣也屬東海郡後漢獻帝封劉虔爲襄賁侯改屬  
琅邪郡 漢卽邱縣城在縣理東南五十里春秋



之祝邱也桓公五年城祝邱是也祝與卽齊魯之音也其實一焉漢爲卽邱縣屬東海郡至高齊省漢開陽縣城在縣北一十五里卽春秋郟國祝融之後邛姓也昭公十八年邾人入郟注云今琅邪開陽縣也左傳又曰季孫斯叔孫州仇帥師城啟陽卽開陽也漢以避景帝諱改爲開陽後漢琅邪王京徙都開陽漢官儀曰洛陽城南面東第一門門始成夜有一柱來止樓上開陽縣上言南門一柱忽然飛去卽此城門柱也王僧辯城在縣東北五十里梁將王僧辯屯兵于此永嘉故臺

在縣理西南二里故老言琅邪王睿永嘉中所築王導故居在縣東北三十八里臨沂故城南三里導字茂弘琅邪臨沂人爲元帝丞相薨于江東此蓋其本宅也 鯀墓在縣東南百里按左傳鯀死其神化爲黃熊入于羽淵未詳得有墓否 晉王祥墓在縣東北五十里祥字休徵臨沂人也

沂水縣

西北二百里  
依舊二鄉

本漢東莞縣卽春秋莒魯所爭

之郟邑也文公十二年左氏經季孫行父帥師城諸及郟杜注郟莒魯所爭者城陽姑幕縣南有員亭員卽郟也俗變其字耳十三州志曰有東西二



鄆魯昭公所居者爲西鄆在兗州東平郡是也莒  
與魯所爭爲東鄆卽此縣是也後魏孝文帝于此  
置新泰縣隋開皇四年改爲東安縣十六年又于  
古蓋城別置東安縣而此改名沂水縣 沂山在  
縣北百二十四里周禮青州其鎮沂山郊祀志曰  
公玉帶曰黃帝時雖封泰山然風后封鉅岐伯令  
黃帝封東泰山禪凡山合符然後不死天子旣令  
設祠具至東泰山東泰山卑小不稱其聲乃令祠  
官禮之而不封焉卽沂山也山之東北四里又有  
五壇是宋武北伐南燕于此立壇以祭五帝處

穆陵山在縣北一百九十里左傳僖公四年管仲  
曰昔召康公賜我先君履南至于穆陵伏琛齊記  
曰昔賜履南至于穆陵者泰山南龜山北穆陵山  
是也 大峴山在縣北九十里西接小泰山連崗  
至歷城山谷相屬東至海一千里宋書高祖北伐  
慕容超其大將公孫五樓說超宜斷據大峴刈除  
粟苗堅壁清野以待之超不從曰但當引令過峴  
我以鐵騎踐之不憂不破也豈有預芟苗稼先自  
賊弱耶高祖旣入峴舉手指天曰吾事濟矣伍緝  
之從征記曰大峴去半城八十里直度山十五里



崖坂峭曲石徑幽危四岳三塗不足過也山高三里周迴四十二里 雹山在縣西北二十八里泰山記云雹山出紫石英好者內朗外明表裏映徹形若雹狀故名雹山今猶充貢苑記曰爆山出紫石英魏地形志發干縣有岫山今猶出紫石英好者歲貢焉 螳螂山在縣北百九十二里水經注云螳螂水出魯山今按此山與大小二魯山連接前則平野彌望清流縈帶南面有穴若門直入二十里可容方駕遊之清曠非復人境也西與新泰縣分界 流水出縣西北沂山南職方氏青州其

浸沂流在縣北七十里又東南入于泗水 巨洋水亦名巨蔑水源出縣西北沂山其水北流經朱虛縣故城西宋書曰高祖北伐慕容超旣入峴臨胸有巨蔑水去城四十里超告公孫五樓曰急往據之晉軍得水則難擊也于是宋前鋒龍驤將軍孟龍符奔往爭之卽此也 縣理城本漢東莞縣城也南燕于此置 團城鎮去東安郡三十里城隍圓因名團城隋開皇十六年于此置沂水縣漢蓋縣城在縣西北八十里本齊邑漢以爲縣景帝封王皇后兄信爲蓋侯後漢屬泰山郡隋開皇



十六年于此置東安縣屬莒州後廢入沂水縣  
古長城在縣北九十五里東南起自宿州莒縣界  
西北二百五十五里至淄州淄川縣界史記曰齊  
有長城巨防以爲塞是也 魏曹嵩墓在縣南一  
百二十五里魏志曰太祖父嵩避地琅邪爲徐州  
刺史陶謙所殺遂葬于此

費縣

西北九十里舊  
十二鄉今三鄉

古費國也春秋隱公元年傳曰

費伯帥師城郕後爲魯季氏之邑僖公元年傳曰  
公賜季友汶陽之田及費論語季氏使閔子騫爲  
費宰至漢爲費縣屬東海郡後漢爲侯國屬泰山

郡晉屬琅邪國宋屬琅邪郡自漢費縣移理朐城  
後魏孝文帝太和二十年又自朐城移費縣理于  
今縣城北四十里陽口山隋開皇三年復自陽口  
山移入朐城今縣理也自宋至隋皆屬琅邪郡大  
業十三年爲賊潘當所破唐武德四年重置屬沂  
州 蒙山在縣西北八十里高士傳老萊子隱居  
蒙山之陽以萑葭爲墻蓬蒿爲室岐木爲床蓍艾  
爲席衣緼飲水墾山播殖著書十五篇言道  
家之用楚王親駕至其門王去其妻戴畚挾薪而至問  
車迹之多荅以楚王妻曰妾聞可食以酒食者可



隨以鞭捶可授以官祿者可隨以鈇鉞先生受人  
官祿爲人所制妾不能爲人所制也投畚而去老  
萊追之遂相從于江南劉芳徐州記曰後漢承宮  
躬稼于蒙山其山高四十里長六十九里今縣北  
與新泰縣分此爲界 東蒙山在縣西北七十五  
里在蒙山之東故曰東蒙論語今夫顓臾昔者先  
王以爲東蒙主是社稷之臣也何以伐爲 澗水  
源出縣西南連青山下左傳襄公十九年取邾田  
自澗水今按水發源自山下東北流又折而西南  
流入徐州滕縣界 縣理中城後魏太和二十年

築以置費縣周迴二十里外城卽故祊城也隱公  
八年鄭伯請釋泰山之祀而祀周公以泰山之祊  
易許田注云祊鄭祀泰山之邑在琅邪費縣東南  
後移理薛固周移陽口山南隋又移入祊城 故  
費城在縣西北二十里古費伯國也後爲季氏邑  
故顓臾城在縣西北八十里顓臾風姓伏羲之  
後論語季氏將伐顓臾魯附庸也 南城在縣南  
九十里史記齊威王使檀子守南城則楚人不敢  
爲寇是也 武城左傳襄公十九年城武城杜注  
泰山南武城是也 南城山後漢書鄭玄漢末遭



黃巾之難客于徐州今孝經序鄭氏所作其序云  
僕避難于南城山栖遲巖石之下念昔先人餘暇  
述夫子之志而注孝經蓋康成徹孫所作今西上  
可二里許有石室焉周迴五丈俗云鄭康成注孝  
經于此

承縣

西南一百八十五里舊九鄉今四鄉

本漢舊縣春秋時鄆國也地

理志承縣屬東海郡後漢不改晉惠帝分東海郡  
之蘭陵承戚合鄉昌慮五縣置蘭陵郡理承城按  
此前承縣理今縣西一里漢承縣故城是也開皇  
三年罷郡承縣屬徐州十六年置鄆州以承縣屬

焉大業二年省鄆州及承縣仍移蘭陵置于廢鄆  
州城中屬徐州大業十三年縣為山賊左君衡所  
破唐武德四年又于此置鄆州取隋舊名又改蘭  
陵縣為承縣貞觀六年廢鄆州縣屬沂州縣西北  
有承水因名 君山一名抱犢山在縣北六十里  
述征記云承縣君山有抱犢固壁立千仞頂寬而  
有水此山去海三百里天氣澄明宛然在目山上  
有池周迴五丈深可三四尺春冬水旱未嘗有減  
若漸穢污則竭潔誠祈請則生上有精廬每有修  
定僧居焉上有地頃餘昔有隱遁者抱一犢于其



上墾種故以名山漢名樓山魏號仙臺高九里周  
迴四十五里 魯卿山一名季山在縣東北七十  
里季文子相三君妾不衣帛馬不食粟魯人思其  
遺惠爲之立廟山因名 承治水出縣西北六十  
里方山之東王莽改承縣爲承治故水有此名西  
去縣一里又南流入下邳縣 縣理城卽隋鄆州  
城也開皇十六年置大業初廢武德四年重置貞  
觀中廢 故鄆城在縣東八十里左傳僖公十四  
年鄆子來朝注云琅邪鄆縣也又襄公六年莒人  
滅鄆後屬楚漢爲繒縣屬東海郡晉屬琅邪國隋

開皇十六年分承立鄆城縣屬鄆州大業省入蘭  
陵縣唐武德又置鄆城縣貞觀廢 蘭陵縣城在

縣東六十里史記曰荀卿適楚春申君以爲蘭陵  
令因家焉十三州志云蘭陵故魯之次室邑也其  
後楚取之改爲蘭陵縣漢因之列女傳云魯次室  
女倚柱而嘆曰君老太子幼諸女笑之次室女曰  
君老必愚太子幼必悖愚悖之閒其亂必生竟如  
其言次室卽此也 偃陽城左傳襄公十年公會

諸侯于柎

莊加反

晉遂滅偃陽杜注偃陽妘姓之國

今彭城傅陽縣也晉悼公滅之以與宋楚宣王滅



宋改爲傅陽漢爲傅陽縣 郟城魯莊公五年郟  
犁來來朝附庸國也 楚荀卿墓在縣東六十二  
里 漢匡衡墓在縣西北四里衡字稚圭東海承  
人也 漢疏廣墓在縣東四十里廣字仲翁東海  
蘭陵人 漢疏受墓在縣東四十二里 蕭望之  
墓在縣東五十里 劉靈墓在縣東北二十里  
左邱明墓在縣東北七十里 王肅墓在縣東南  
二十五里

新泰縣

西北一百六十三里舊一鄉今三鄉

春秋時魯平陽邑也宣公

八年城平陽注云今泰山有平陽縣漢爲東平陽

縣屬泰山郡按河東有平陽縣故此爲東也後漢  
省魏復立平陽晉武帝泰始中改爲新泰縣屬泰  
山郡後屬東安郡記云舊名平陽泰始中鎮南將  
軍羊祜此縣人也表改爲新泰縣屬泰山郡晉惠  
帝割屬東安宋因之後魏屬東泰山郡周齊不改  
隋開皇四年屬莒州大業二年廢莒州以縣屬沂  
州唐武德五年又屬莒州貞觀八年省莒州縣屬  
沂州 蒙山在縣東南八十八里書曰蒙羽其藝  
詩云奄有龜蒙皆謂此山也已具費縣 具山在  
縣東三十八里 敖山在縣東十一里左傳曰桓



公六年九月丁卯子同生公問名于申繻對曰名有五不以山川先君獻武廢二山注具敖也獻公名具武公名敖更以其鄉名山是也 艾山一名臨樂山在縣東北三十里沂水之所出也 障山在縣東北八十里山土之東側有巨坑焉東西十丈南北五十丈其中出硝石石腦炬火等石居人常採爲貨 青沙峴在縣北十里伍緝之從征記 青沙峴玄圃城十里木皆樸杏草多薇絺音木 委栗山伏琛齊地志曰委栗山孤立如聚粟也

太平寰宇記卷之二十三終



卷之五

五